

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 09

September, 2016



PRESBYTERIAN CHURCH, TANGPIJOL

Editor: Rev. Tualzachin

Synod Office Telephone No. (03874) 235105

Khristian Tangkou

Vol. No. 52 || Issue No. 09 || September, 2016

Editorial Board

Editor : Rev. Tualzachin - 9862829526
Joint Editor : Rev. Stephen Chinzathang
- 9863042789
ct_stephen@yahoo.com
Cir. Manager : Upa Jamsianmung - 9862086615
stanmung@rediffmail.com
Bus. Manager : Kamgenpau - 8974612937
Sye T. Ginzahau - 8974438842
Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Khupkhansuan
- **Moderator Elect:**
Rev. Mangsuanthang
- **Secretary (Sr):**
Upa T. C. Pau
- **Secretary (Jr):**
Upa Sianzahau
- **Treasurer:**
Upa T. Lamkothawng
- **Statistician:**
Upa Kapkhanthang
- **Executive Secretaries:**
Rev. Tualzachin
Rev. Stephen Chinzathang

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom 02
- I gam ua BJP hing lut ding dan..... 04
- Pasion toh zawhkhawm 09
- Hagau hinkhuo & Cyberculture 13
- Upa dong bou vai 19
- Lawchinna Lampi 21
- ZPWF Column 23

Thusuo zosie Editor leh Zou Synod
ngaidan ahi kimsih a, a suotute'n maw
a kipuoh chiet ding uhi.

Thusuo dingte Editor kung a pieh
ding ahi.

Editorial

Pasian hoina leh mapuina tangtou zel in eima bawltheina toh kinepna (hope) bangma ineilou lai un ikinep phah lou September haa meel mu thei dinga damna hing petu avanglien Mangpa min iphat masa uhi. Tam tana a idinlai un kumdang a i na bawlzel uh Sepguol haa bang tungtou ihi man un Hattuumte tami vaiguon amanpha thei pen leh Pasian hagau vehna itanna hileh chin Hattuum china ama nna sephawmpi te na bon un deisahna chibai ka hing buh hi.

Tukum sepguol thupi Synod kumpuon “Pasian toh zawh khawm” Gen. 5:22 ma zang ding ihia, eima lemtan dan bangzel un inn vehna (House Visit) ahi lou leh Biehinn Programme hileh kilop tah leh thanuomtah a gakhe dingin Mangpa hagau in hing umpi chiet taken!

Daniel Tanchin: I sepguol thupi guolnei Daniel (Minor Prophet) hinkhuo apat tam lou houlim vai... Daniel in Pasian muonna leh zauna hinkhuo anei ziehin Leengte thupieh sang lou in Pasian hing ma beel tinten hi. Daniel pen hunchin a thumna toh Pasian buonmi ahi. Lai siengthou ah imu uhi. Khumte ziehma in Pasian a thumnate manghil lou hi. Zauhuoina mun, shithei mun ah zong a thumnate in Pasian buoisahpha ahi. Pasian in hundam in a vengbit zel hi.

- (1) Anneh kiheng lamdang: 1:14-16. Tuachin ni 10 sung hing en khie un, ni sawm etkhiet ahi nuu un Lengpa mai ah etkhiet ahi uhi. Ann tuipen, sa leh uain dawnte sangin ameelsuo uh ahoipen a, atahsa te uh athau zaw hi. Leengpa thupuon: Nidang a banga a ann nehte uh penon lou a annte louhing mai bou pe dingin thu apeta hi. Tuaban ah Pasian in Daniel kungah mangkhiet theina apeta hi.
- (2) Lengpa mangkhietna leh Daniel kaisangna: 2:36-49. Ka mang zong na gen ding uh, akhietna zong na gen ding uh chipen thu hamsa mama ahi. A leenggam sung a Ahsi lamsiemte leh mitphieldawi siemte

ahankhawm a athei zou aum sih uhi. Daniel in amang leh ahilchienna pie hi 2:48 Leeng pan Daniel akaisang sah a, silpieh lien tahtah Babulon gam pumpi tunga vaihawm tu lienpen in akoita hi 3:1

- (3) DARA PHAIZANG A MILIM: Tong 60 a sang tong 6 a lien Daniel leh alawm thumten Pasian muong in milim abenuom sih uhi. 3:27 Leengpa thupieh bang in Meilipi ah Shadrak, Meshak leh Abednago te khie uhi. Hinanleh Pasian in umpi in a samzang khat uh zong kanglou in meikhu gim zong a nam sih uhi: Lengpa thupoun:3:29 Tuachin chichin, namchin, hamchin Daniel te Pasian belou pouma asa satnen in a um ding a, a innte uh vutvai asuoh ding hi 3:30 Daniel kaisangna: Tuachiin Lengpan Shadrak, Meshak leh Abednagote Babulon gamkai a muonngam ban ah Pasian zauna anei ziehin “Kaisangna (Promotion) pieh in um tou zel hi. Mangpa’n athu guolzawl taken!
-

THU TUOMTUOM

leh

THUMPI DINGTE



01. I pawlpi lampeina year planner umsa bang in Pasian nna isepnate uh maban sepguol programme September 04th 25th 2016 tan dai in Hattuum chin in eima lemtan bang leh lohpi thei pen ding bangin zah sawm chiet vaii. Thupi: “Pasian toh zawhkhawm” Siemchilbu 5:22.
02. **Zou Synod day:** Sepguol Programme izah tou lai un September 10th pen Zou Synod imu ni leh hing pienkhiet ni ahi chi zong thei kawm in Pasian in leivui apat ang dopkang ni ahi chi thei zing kawm in Ama phatna, biehna leh Ama thupina piehna in Hattuum chin in zah sawm vaii.

- 03. Dated 12th August 2016** ni in Presbyterian Church Zomi Colony te zintunna leh ZPCS Musical Committee te panlahna toh KHUONGTUM dan kijilna PRACTICAL ma in nei ahia, khela pumpum leh lohtah a zaw chiet ahi ta hi. Koizong Participant zousien eima local chiet ah bawzuina pen uongbawl vaui.
- 04. Sepguol kisuhtuona:** I pawlpi huopa District chin a Sepguol kisuhtuona angtung ding September 25, 2016 a nei chiet ding ihi. Pasion hagau pawlna leh silpieh lam a KILAMTHANA toh gakhe vaui. Eima umna Hattuum chiet uah innveh hileh Biehinn Programme hileh tah pan chiet vaui.
- 05. District PYF khawmpi:** Pasion in damna ang pieh kilam en kawm in District chin Presbyterian Youth Fellowship (PYF) kumsim khawmpi September 30 apat October 02, 2016 tan dai in um ding hi. District china mawpuohna neiten lohtah leh amanpha thei pena zang chiet dingin ikingen uhi. Hattuum chin leh mimal chinten thumna toh bawzui chiet vaui.
- 06. Bible Society of India motivation:** Motivation Programme Apeisa August 21, 2016 Pasion ni in Bible Society of India (BSI) Churachandpur Branch te makai na toh Presbyterian Church Lailam Veng ah motivation Programme neipi uhi. Hun hing pei touzel ding ah i pawlpi a ding a membership hina nei ang umtou zel ding iki neppi Hattuumte ahi uhi.
- 07. Apeisa August, 21, 2016** niin Rev. Hangpi Manlun Bangaluru ah D. Th. Thesis giel dingin kuonkhie ta hi. Lamzangtah leh chidam tah a lawchinna toh ang kile theina dingin thumna toh phoh tontung vaui. Silbangkim bawltheitu Pasion ahia, Ama a khatna (Priority) in koi phot in thum pou lei Ama lawchinna sangzawte zong hing ding hi chi muongngam vaui.
- 08. ZPYF Column:** Pasion hoina leh kepbitna zal in 60th Diamond Jubilee Sports lam toh kisai peitou lellel ua tunitan buoina leh aliem abai leh adaltu um lou a tam tan a hing pui tungtu Mangpa min loupi iphat uhi. Tam Sport pen kisuhhalna leh aguh a Pasion thu leh laa in a phong hal zou non loute matna chikhat ahi. Pasion in damna hoizaw leh zalen

zaw ang musah ding kinem in ang tung ding August 27, 2016 Singngat PYF (ZTP) te zintunna in closing and final match um ding hi. I nichin thumna toh bawzui tou zel vai.

09. **Tuunnu Liimbel Orphanage home:** ZPCS nuoi a Zou Presbyterian Women Fellowship (ZPWF) te etkawlna nuoi a Tuunnu liimbel a Taga umte leh ama uh enkawl a Sum leh pai tha leh zung it sipna nei lou a Local chin leh mimal chin anai, agamla a Pasian nnasepna pipen bang a ngai a chawm leh panpite kung ah lungdamthu igen uhi. Mangpan TAGA nu le pa achawmtu ding nei talou te tunga na tah pannate uh aletam zawsem in hing guolzawl chiet taken! Tualeh ama uhte zong tahsa hagau a hing khanglien a ang pichin ua, Hattuumte leh Pasian vanzah manpha ang hitheina ding un ini chin thumna toh phoh tontung vai.
10. Kum beikuon lam a ding ihita uh chi thei kawm in khochin a i Khristian Tangkou la tuten eima local chiet ua agente kung ah afee ana pe sausau vaui. Patron member leh Life memberte chilou.
-

I GAM UA BJP HINGLUT DINGDAN LEH EITE MABAN DING

*By:- Rev. Dr. Jangkholaam Haokip
Registrar UBS Pune.*

“Missionary te Africa a ahingpei lai un amaun Bible anei ua,eite’n gam inei uhi.Thumna nei va ui ahingchi ua,imit uh ising uhi.Imit uh ihahkia bep un eite’n Bible inei ua amaun gam anei uhi”.....Desmond Tutu.

A tunga thuguol khu Bishop Tutu in Africa gama tumlam gam missionary te’n Pasian thu zanga agam uh alashzoukei ua,tua agam neite(amaute) mi neya aum thu uh agenna ahi. Tulaia igama BJP te ahinghat jela igam uh ahinglut sawm dan uh et in tami tangthu khu eite tangthu zong hingsuoh thei dingin akilang hi.Sil hingtung thei dingte tamlou khat ana en va ui.

Kum 2014 India General Election a seat 336 lah a 282 anamu jieuh un BJP(Indian People's Party)in India gam vai ahing hawm pan ua,tu in India gamsung mai hinawnlou in leitong pumpia mipi tawsawn party lienpen asuohta hi. Politics mai hilou in sakhuo lamah zong-etsahna'n America gam ah Yoga gingta zui mi 30million avalta hi chi'n Prime Minister pa'n agen hi.

BJP ahing pichinna jieuh khu akidempi Congress party hatlou jieuh leh midangte (Muslim leh Khristiante) vaihawm sanga Brahminic Hindu Nationalism hatsah ding utna jieuh ahipen hi. Hindu te peipi khu Hindu lunggel/ideology(Hindu)ahisihleh India gamsunga teng zousie in India tawndan(cultural nationalism)azui chiet ding, midang tawndan juilou ding chi ahi. Tuakhu India-gam khat, India-nam khat, India-sakhuo khat, India tangthu khat hisah ding chi ahi. Gen dan tuom khat in-India gama tawndan tuom leh sakhuo tuom hatsahlou ding, amau Brahminic Hindu tawn dan juia leitong pumpia thunei thei khat hi ding chi ahi. Tami ngaidan(ideology) pawdoh dinga RSS,VHP leh Parivar tuomtuom ahing siemkhiat ua tami te panlahna a BJP atawsawn ua,ang tundoh/hatsah uh ahi. Amaute'n

mipi ajawlina/thang annta pen uh khu-khantouna(development), ki vaihawmna hoi (good governance), ahisihleh masawwna(progress) hatsah ding,gamdang leh namdang sakhuo adieh a Muslim leh Khristiante hatsahlou ding chite ahi. Tukum May 2016 a Assam election a BJP hatna jieuh pipen zong khu tambang lunggel zanga Assam gamsunga midang (Bangladesh Muslimte)lutsahlou ding achi jieuh uh ahi.

Theizing ding khat khu India tawndan ahisihleh India te sakhuo kichi khu adieh a caste system jui gige Aryan mite tawndan leh sakhuo kijuina ahijieuh in eite tawndan leh sakhuo dante khu atelsih hi. Ajieuh khu amaute jatniem-jatsang (low caste-high caste)kikhenna ah eite khu aniem penpena zong telphalou,nam sienglou leh sukhah theilou(out caste&untouchable) chia a'ngkoi uh ahi. Tuajieha eite tawndan khu India tawndana kisimtellou ahi. Etsahna'n-Bawngsa nehlou ding kichi khu eite genlou Aryan suon hilou Hindu dangte tawndan toh zong kibanglou ahi. I tawndan mai hilou in isakhuo uh Khristian sakhuo zong khu Hindute'n India sakhuo a zong asim utlou uh(gamdang sakhuo achi uh)ahi.

Tamte jieha tulaia North-East apat naupang tampi Maharastra leh gamdang danga school a kaisah ua, Hindu dihtah suohsahna dia amau tawndan azilsah uh ahi. Tulai in Pune ah zong Khasi te naupang tampi akoi ua, Nagaland ah zong RSS te'n school abawl ua naupangte India mi dihtah suohsahna ding angaituo uhi. Tambang ahijieha tulai Khristian kibawlsietna (persecution) zong hat deudeu ahi. Indian Independence 1947 apatin ningkum 2015 khu Khristiante kibawlsietna (persecution) atam kum pen ahinalai hi. BJP te'n 2014 a vaihawmna atuh ua kipat Khristiante tunga tatsietna apat ngal uh ahi. Tami khu etin eite'n India mi dihtah hina dia amauh tawndan juiding, caste system juiding, namniem penpena umding chi ahi. Aleni a suhgentheia iumding uh china ahinalai hi tuakhu-**tribal ihijieh ua nuoinetna leh Khristian ihijieh ua mudana**. Tualeh itenna gam uh zong India/Hindute gam anahilou ahi. Kum 1826 a Jandabo Treaty jieha India a umdoh ihi ua, tangthu dihtaha sutdingin zong India mi kihilou, I gam zong India gam anahilou ahi. Sapkang(British) te'n India toh ahing na vaihawm khawm jieha ua India gammi anakihi, India sunga iumtahjieh ua India/Hindute'n namniema ahing koi uh

ahizaw hi.

Tambang ahizinglai in eite lahah mi tamtah BJP ah alut sawm ua, amaute'n BJP khu political party ahia, sakhuo jieha kilut ahisih achi uhi. Khenkhat in ahatlou ding khat ijuia bangma bawltheiloua aki um sangin silbawlthei khat juia nnasep ding ahoizaw achi uhi. Khenkhat kiate'n Congress ah nehguhna (corruption) atamseng ta a, kikhelna khatvei vei aumjel ding mawng ahi achi uhi. Tualeh BJP ahinghat a amauh jieha eite di'a khantouna leh kivaihawmna hoizaw aumthei leh ahoizaw hi chipawl zong aum hi. Tamte zousie khu ingaisut leh adih mama abanga, nanleh silhoi leh sil bailam ding ahisih hi. Ajiehpén nautaang jah ding leh mudinga kigen-kivaihawmna hoizaw, khantouna, masawmna leh adangdangte leh akigendohlou thu kiphuolgu Hindute lunggel(ideology) hing kibang louding ahi. I gamah BJP ahinghat chieng amasapena eite tawndan leh ikivaihawmna awlawla ahing khel ua, Uphoh in belsunga tui kisuong awlawla adjust akibawl a atawpna a ama ashidoh banga iumthei uh ahi. Etsahna'n BJP in Khristmas nia office kai ding achi uh khu tu-le-tua, North East a hithei nailou ahi. Tualeh amau ngaisut

dana tribalte zong Khristian ihi masang un Hindu inahi ua,tunvang *'inn a nahing kinualekia ding uh ahi'* achi uh zong eite'n kipomlou ahi. Hinanleh eite'n BJP ihing support ua, eite vaihawma ahingpan chieng un tamte zong awlawla ihingpom jel ding uh, atawpna ah eimate hina (identity)leh gam le guo zong ihing mansuo thei uh ahi.

BJP zopa asunga kipat siem ding chite'n tami khu ngaisut va ui.Eimite laha Police Officer minthang pena kithei Pu. HT Sangliana khu BJP ticket in MP anakai a, asunga kipat siemphat ding anachi a, nanleh bangma bawltheilou in tu'n ataisan ta hi. Tuabanah tulaitah in Nagaland khu Khristian State ahivang in Naga peace talk jieha NPF leh BJP akizop jieha un Nagaland solkal apatin Khristiante sukhathai BJP te nnasep adoudalna uh bangma akimu sih hi. Mizoram ah Congress solkal in vang doudalna ahingbawl zing uhi. Nagaland ah khun doudal tahsangan RSS te'n amau lunggel (ideology) hatsah sem na di'n school leh project tuomtuom zong abawlta uhi. Eite laha Hindute kisuonlana neiloukeia ahing lutlut theina uh khu NPF jieha zong himaithei ahi. Tamte khu etin asunga lut masaha, asunga pata siemding chite'n zong bangpi

ahing bawldoh na di uoi mamaw chitheih ahi.Teeldoh a um MLA/MP te khu amau kihinsuona ding leh tan hampha tanna dingin mipi aw(voice) a pan tahsangan mipi sugenthei dinga BJP te khutzah(puppet) in ahing pang thei kia ding uhi. Khristian ihina utoh mipite ding gelnaa bawn thudih leh thutah idinpi zoulou/ngamlou uleh BJP nuoia MLA/MP te'n Pasian thu ahing dinpi ding uh pen agintathuoi nama diei maw chi ahita hi.

Tami toh kisaia eite laha siltungte ietnuom leh Meiteite leh Tripurate tangthu etthei ahi. Meiteite khu Hindu hilou in eite tobang anahizaw uhi. 1708 kum a Hinduism juiding anachi ua pata caste system hing ki suhata, tulai ibuoina uh singtang-phaijang mi kikhenna anakipan ahi. Tulai Manipur phaijang buoina khu Hinduism a alut jieha ua buoi chitheih ahi. Tribal in ana um khinkhian hi uleh tua hichituha buoilou ding, singtangmi toh kikhenna zong anapienglou maithei ahi.Tripura zong khu tambang anahi hi. Tripura Lengte khu eite tobang tribal anahi uhi. Hinanleh Hinduism ahing puohlutsah chieng un Hindute'n Brahmin caste in khat ngel zong akoi ut tasih uhi. Tuachi'n kithoina (ritual) abawlsah chieng un agam

utoh anakheltuo jel ua, tuachi'n amau gamsung ngel ah panpitu neilou namneu (minority) asuohta uhi.

Tamte khu ngaipoimawtaha nei ding ahi. Eima mimal ding mai ahisihleh tu-le-tu hinkhuo ding mai ngaisutnaa mi gen zousie igintat ua, ijuigel uleh dachieng kisum seng khathei hi. Ahin eite di'a hunlemtang aumleh donseloua koi ding china ahi chiitchiet sih a, hoitaha ngaituo masah ding china ahi. Politiciante leh Singnuoimite ngaidan chauha kingahlou ding, mipite'n eima maban hinkhuo sukhathai dingte tunga hangsantaha gen ngam ding apoimaw hi. Tuachilou in kum zakhat (100yrs) masanga Khristian missionary te hinglut huna ***“Darkness to light”***chia inathei uh ataw leh alu

a kikhelna khat hing umkia thei ahi. Eite'n khantouna leh kivaihawmna hoi dei in bawl nanlei atawpna ah atunga Bishop Desmond Tutu thugen banga igenni uh hingtung thei ahi. Tami jieha tutung kikhelna hing umding ah zong mipite deidan lahkxawm deu poimaw ding ahi. Chiemte ding khat khu-a doudaltu umloukeia ahinglut thei nading un BJP solkal in tulai in North East India singnuoimite hoitaha kihoupina (negotiation) aneilaitah uh ahi, amaute asuhlungkim chiet chieng un igamsung ua adoudaltu umloukeia aut dandan ua ahingbawl thei ding uh ahi. Tuajieha imaban ding uh hoitaha ingaisut uh ngai ahi.

[Courtesy: Hettohsah July 2016 PP. 6-9].

Rev. Thangbawi
Khuangshai

.....

Synod Kumphon

ENOK- PASIAN TOH KUM 300 ZAWHKHAWMPA

Siemchilbu 5:21-24

-Rev Jonathan Nehlien

Pasian toh zawhkhawm chia kitheite laha khat khu Enok ahi. Bible ah Enok tanchin kigena umlou phiel hi. Nga vei kigena laha ni vei khangthu kigena ah pang khagiep hi. A tanchin kigen tam sihnianleh akigen khahna munte ah a poimawna kilang hi.

Tunia i thupi ahileh Pasian toh zawhkhawmna ahi. 'Zawhkhawm' chi in kilungtuohna a ensah hi. *Newberry Bible* in agen dan in Hebrai ham a "zawh" chi pen khatvei/nivei vahkhawm mai hilouin zongsangtaha zawhkhawm in a gen hi. Laisiengthuoin pei/zawh achi chiengin hinkhuo mandan lampang a gen utna ahi. Hinkho mandan lam ni umtheite khu:

1) Khawvel deidan a hin leh 2) Pasian deidan a Ama toh zawhkhawm a Hagau a hin ahi.

Pasian toh zawhkhawmthei mite leitunga mi e'nhuipente ahi uhi. Tuaziehin Pasian toh zawhkhawm a phattuomna i gen ding uhi. Tuami i gen main Pasian in Enok a zawhkhawmpina zieh point ni i tahlang masa ding:-

1. Enok tungah Pasian a lungkim hi. Khristiante khu khawvel mite'n aetdap zingte ahi. I gamtat i khohei dan uh laithon kisim bangin asim zing uhi. Tuaziehin Ama a dinga theipitu hoitah ihi masanga ama toh zawhkhawm ihi masah a poimaw hi. Pasian lungkimna hinkhuo ahileh ama toh ginumtaha zawhkhawmna ahi. Enok pen Pasian toh hun noplai maia zawhkhawm ahisih hi. Enok pen hun hasa leh gentheilaia zong Pasian toh zawhkhawm ahi. Pasian lungkimsah hinkhuo ahileh ama toh kipawlkhawmna hinkhuo ahi. Pasian in eite ang hundam na zieh ahileh ama toh kinaitaha ihinkhawm a ithei thuuh sem sem na ding ahi. Pasian lungkimsah hinkhuo khu ginna nei hinkhuo ahi. Pasian bangchin i lungkimsah uoi ama deilampi dih a ipei chiengin Pasian

alungkimsah hi. Silhoi i bawl a hahsatna i thuoh chiengin tuamin Pasian a lungkim sah ahi. Pasian kipahna khat kia ahileh tate'n a nulepa thu aman chiengun akipah mama uhi Tuabangin Ama thu mang a, ibieh a midangte i panpi chiengin akipah hi.

2. Enok Pasian a dingin theipitu hoitahin apang hi. Enok Pasian toh a zawh a Pasian a tungah a lungdam mama ahi. Tuachin Khrist theipitu dihtahin a pang hi. Enok hun pen Pasian in leitung tuipi toh a suhmang masang hun ahi. Tuahunlaiin mite'n Pasian adou ua Ama deidan kal in a gamta ua Pasian lungthahna a tung uah atung chi imu hi. Hinanleh Enok pen Pasian lungkimna ah aum chi imu hi. Tu hun nukhie lama gingtu tamtahte'n Pasian lampi apat piel a mangthanga ium dan uh toh kibang hi. Khawvel mite hinkhuo leh Enok hinkhuo kikhiehna bang adiei? ahisihleh a zattuomna bang adiei? Bangin ama Pasian toh a zawkhawm sah thei sese ahiei? Bangin ama Pasian theilou khawvel a Pasian thei hinkhuo a mangsah thei ahiei? Ginumna leh thaanghuoina khawvel a ama bang chidan a Pasian deidan a hing thei ahiei? chite ngaituo tham hilou ama?

Henry Ford in “Pasian toh zawhkhawmte pen a tunna ding mun uh a tung zel uh” achi hi.

I thanop man leh iut zieha mi khat poupou toh zawkhawm thei ana hilou dan ahi. Mihingte'n zawpi ut leh zawpi utlou bang kinei thei sese zel hi. Tuabangmain Pasian toh zawhkhawm chi zong ut hunhun leh ut dandan ana hi thei mawh lou dan ahi. Mihingte zong mi ni zawhkhawm ding silbai hilou hi aziehpen izawhkhawmpi pen toh i lungsim leh deidante akibah ngai hi. Khamthei bawlte leh khamthei bawlloute zawhkhawm sil hamsa khat ahi. A zawhkhawm theilou ichite pen azieh um hi: deidan, dudan leh ngaidan kibahlouna zieh bang hinuom hi. A zawhkhawm thei i chite pen lungsim(lunglutna) kibangte hinuom mama uhi. Tuaziehin Jawlnei Amos in, “Kilungtuoh louin mi ni a zawhkhawm thei ngel diei ma,” a chi hi. (Amos 3:3).

Mangpa toh zawhkhawma a phattuomna: Jack Hyles in “Mite'n Pasian toh zawhkhawm dan a zil chiengun Pasian silbawltheina thupi tah khu a muthei zel uhi” a chi hi. Tua ahiman in Mangpa toh zawhkhawm phattuomna tam lou i en ding:-

1. **Mangpa toh i zawkhawmleh i thawmhau ngaisih ding hi. I Mangpa Jesu Apa toh zawhkhawm zinga apa deilam abawl zing ziehin a hinkhuo a thawmhau ngai sih hi:** John 4:32-34 ah Jesu'n, nouten na theilou uh ann ka ne zing, achia a nuozuiten lamdang asa ua anneh ding koiin ang tawi pieh e le akichi ua, Jesun, ka pa deilam sep leh suhpichin khu ka ann ahi chiin adawng ahi.
2. **Mangpa toh i zawhkhawm chiengin ama toh i lungtang teng tengin iki nai zing thei hi. Ama khu i tup thupipen ang suoh ta hi. I lungtang in ama asui ta a, ama umna pouma i lungtang in a lunggul ta hi. Ama toh ikithuo utna leh ama batna nitengin akhang dinga hinanleh khawvel utna leh tahsa utnate akiam ding hi.** Heb.10:22, Heb.12:2 i mailam a um Jesu en zing a kalsuon dingin ang hil hi.
3. **Mangpa toh i zawkhawm chiengin khelna i haw deudeu ding hi. Khelna leh gitlouna kipahpite ahileh Mangpa toh zawhkhawm khaloute ahi.** Luke 18:13, Syedongpa thumna: "Aw Mangpa mikhiel ka hi hing ngaidam in" achi hi. 1John 1:9, I khelnate i puonleh Ama aginum a i khelnate ngaidam in dihtatlouna zousie apat a hing silsieng ding hi. Pasian toh na zawkhawm chiengin Khrist akipat in sildangte'n ahing puimang thei ta sih ding hi. Luke 10:40-42. .
4. **Mangpa toh izawhkhawm chiengin miel a um nawnlou china ihia, miel a ium zing leh Mangpa toh zawhkhawm thei lou ding china ahi. Miel a i silbawlte khovah a bawl ngamlou ding tamtah um hi. Pasian leh Belzebul(dawimangpa) i neikop thei sih ding hi. Ama toh kithuo ka hi ichi a miel a iumleh ei leh ei kisol ihi.**1 John 1:6-7. Hagau a hing ihileh tahsa deidan in ihing sih ding hi. Gal 5:16 **Mihingte mihoi, mipha leh mi minthang te toh i zawhkhawm chiengin ikipah a zong nop isah ding ka gingta hi. Hinanleh i**

dudan leh deidan ngaidan
kibahpilou toh zawhkhawm
hasa mama hi. Tualeh koi e
migilou, guta leh suomhatte
toh zawhkhawm ut ding?

5. **Biehinn mai hilouin nichin hinkhuo a Ama toh i zawhkhawm zing poimaw hi:** Mi toh i zawhkhawm chiengin anuolam uah kile pei ngai lou hi. Tualemahin ama toh ingatnalam kibangin kitonkhawm hi. A nuolam uah kilepei taleh athugente kiza lou ding hi. Tuabanah anopna zong um lou banah kipahtaha houlim chi aum thei sih ding. Mihingte pen silsie bawl dingin zong kizawhkhawm thei hi hinanleh Pasian toh zawhkhawmna ah khelna in mun neilou hi. Ama lungsim leh ei lungsim akizop ngai hi. Ama toh zawhkhawmta i himan in Ama mai mitsuon a i pei zel khu a poimawpen ahi ta hi. Mi khat toh i zawhkhawm chienga i theichien deudeu bangin Pasian toh nichina i zawh chiengin A lungsim leh a deidan zong ki thei deu deu hi. Pasian toh zawhkhawm

pen anopna mun mai hilouin a hamsatna mun leh hun chintenga ahi ding ahi. Thumna hun maia Pasian toh zawhkhawm sawm lou ding ahi.

A.W. Tozer in Khristian zousie tup ding khu ahileh Pasian toh kikhenloua ama bie a, hin zing ding ahi achi hi. Tam ama bieha toh hinkhuo man zing ahitheina khu ama toh i zawh khawm chiengin ang hithei ta hi. Pasian toh zawhkhawm ut zing nanlei i zawhkhawm thei louna uh khu Pasian dongloua eima thuthu a i pei zel zieh uh ahi. Pasian a dinga huot huoite i tawpsan ut sih uhi. Pasian toh zawhkhawm pen Ama deidan zuite dinga silbai ahia, ama deidan zui utloute dinga baangbing phuut toh kibang ahi. Pasian toh zawhte hinkhuo ah mahni hina kimanghilna, taan(sacrifice) neina, lawmhoiloute pawllouna, khawvel nuo ngatsanna leh zan miel nuoia tunglam van thamzawl a ahshi tang singseng bangin a hinkhuo uh a lang hi. Nasepte laibu a Peter leh John. Jesu toh zawhkhawm mi ahi uh chi atheiun a hangsan dan uh council memberten amu chiengun lamdang asa uhi. Pasian toh nichin hinkhuo a i zawhkhawm chiengin khawvel mite'n lamdang asa ding uhi.

DL Moody in, “*Khawvel
toh ka zawkhawm leh Pasion toh
ka zawkhawm thei sih ding*” achia.
Tuaziehin Pasion toh zawkhawm
theina dingin ‘*Kross ka ma ah
khawvel ka nuo ah*’ chi a, Ama
deidan a i hin chiengin Pasion toh
i lungsim ikitheituo dinga, Ama
toh ikithei chien deudeu chiengin
nichin hunchin in Ama toh kipawl

nop isa dinga Ama kipah lam bawl
khu itup thupipen ang hi ta dinga,
Ama i suh lungkim chiengin i kungah
aum gige ta dinga, i geia aum gige
chiengin automatic in Ama toh
i houlimkhawm zing ta ding. Tua
khu ahi Pasion toh zawhkhawmna.
Pasion toh zawhkhawm dingin....

Mangpa’n athu guolzawl ta hen!

Hagau Hinkhuo Leh Cyberculture: KHANGLAITE HINKHUO AH -Pa Stephen Khupsianlal, B.D

1. Thupatna:

Khovel akhantou dungzui in mihing hinkhuo azong lam chinteng ah masawinna hing tung hi. Kum 2000AD nualam akhun adieh in cyberculture khu theipha in hing um pan ta a, gam leh khotang, hattuum, mimal hinkhuo leh innsung ah masawinna leh hinkhuo awlsamsahna tampi hing tung in theiphah lou gamdang tanchinte bailamtah a theiphah thei in hing um hi. Nichin in khovel tawlet/window ah dah khie in, I umna ua pat khovel mun tuom-tuom a teengte hinkhuo a siltungte zong minute tomnou sung in akithei pai zel thei ta hi. Tuaban ah webcam zangte khun adieh in mun khat a umkhawm a houlim bawl ma bangin ameel te uh zong kimuthei in kihou thei uhi. Tambang masawinna tampi te khu cyberculture, computer-age tungtawn a hing um sil khu ahi. Tulai khovel a tawndan tha zang ihi uh chi theilou mi tampi um hi. Tam tawndan tha khun amawlpn leh apilpen hinkhuo sukha in, michin hinkhuo lamdangsah in, akhen in manphatna’n azang a, akhen te’n asietpi law uhi. Tambang tawndan tha ‘cyberculture’ khun tuilien

bangin ahing tum zel a, ahing tuptou zel di'n zong kilang hi. Daniel 12: 4 thu " Atawp hun ah theina apung ding" chi khu tam cyberculture toh genkhawmthei suoh hi.

2. Cyberculture kipatdan:

Cyberculture tawndan a hingpiengsah pen khu 1960's vel khun US Departmentr of Defence khun gam venbit nading in asiem a, tuana pat in khovel pumpi a ahing kithezah ta ahi. Tulai khovel sil lamdang kisiemkhe te lah ah pang hi. Internet khu computer siemna zieh leh Telephone connection apat a zahthei a hing um sil ahi. Mipi lakh 50 in azahthei nading ua Radio in kum 50 vel hun alutsah lai in, Internet khun kum 5 sung mai in khovel pumpi azelsuo man hi. Khovel mun tuomtuom a internet hing kithezahna khu 1990 vel ahia, tambang hunlai in Telephone line tungtawn a kipiehtuona atam a, India azong 1990 vel in telephone line maktaduai 20 vel atungpha ahi.

India sorkar in 1996 in Internet

Service Provision Policy siem in private company te khu zalen tah a internet connection pieh ding ana phalsah hi. Tuachi'n itenna India gam ngei zong internet khovel a tawmlut thuh zel a, India gamah kum 1995 in Mobile phone zahpat ahi a, Internet zong Mobile phone tungtawn in zahthei ahing hizel ta hi. Khovel pumpi akhun 1999 kum in internet zangtu lakh 70 vel um banga ngaituo ahia, kumteng in pungtou zelding a gintat hi.

Khovel pumpi a Internet zang umzat kisutna nukhiehpén 31 December, 2013 ah tambang a chiemte ahi:- Population: 7,181,858,619. Internet users: 2,802,478,934. % population: 39.0%. Khovel pumpi a mi 100 lah a 39 in internet kizang dinmun ahi ta a, December 31, 2000 apat a sut in internet zangtu zat khu kum 13 sung a apunna khu 676.3% phatou hi.

India gamah kum 2012, June 12 in internet zangtu 1,37,000,000 um a, tuakhu 11.4% vel ahia, facebook account nei khu kum 2012,

December 31 in mi 62,713,680 um a, tuakhu 5.2% vel ahi. Tulai in azangtu kitamzaw thamtham dinga gintat ahia, tam internet khovel apat kihepkhieththei lou dinmun ahitah zieh in igingtu/Khristian hinkhuo u'toh bangchi'n akituohthei diei chi ngaituo a, zahdan isiem mama uh apoimaw ta ahi.

3. **Cyberculture leh Hagau hinkhuo umzie:** "Cyberculture" chi thumal zang masa pen khu A.M. Hilton ahi a, ama khun kum 1963 in "Cyberculture hun ah khun hengkuong ah me tui tahtah umte khu amau thu in ahing ki tawm lut zatzat ta ding uh" chi'n gen hi. Cyber chi khu Greek ham "kybernan" chi apat a kila ahi a, a umzie khu "kawhmutu, puitu, thununtu" china ahi. Tualeh 'culture' khu nam dan, zie, bawldan leh tawndan, umkhawmte hinkhuo in asiem leh zui a anei uh china ahi. Tuaban ah cyberculture umzie khu computer culture, computer zahna tungtawn a lam tuom-tuom a masawwna leh

hinkhuo zahna awlsam hing tung, mihing hinkhawmna a kawhmutu leh puitu chikhat hing umdet khu ahi hi. Tualeh 'Hagau hinkhuo' khu apolam a muthei lou, isunglam ngaituona apat a hing pawtkhie, atah a polam hinkhuo izahdan ua hing kilang khie khu ahi. Cyberculture akhun bangchi bang in khanglaite hagau hinkhuo a um ei? Bangchi bangin nna asem ei? chi theisiem poimaw mama hi.

4. **Power (Silbawltheina) nei a thuom ahi:** Cuberculture leh Hagau hinkhuo in kibahna lienpi anei khu power nei a thuom ahi tuohtuoh uhi. Systematic Theologian khat, Professor David Lochhead khun, "Cyberculture tuntut computer khun power anei zieh in mihingte'n ingaina ua, ihinkhuo uh zong hing thunun zel ta" chi'n gen hi. Tuabang power zieh in mihingte'n asiemna leh theina (technology) khu akhang sangtou zel a, tualeh software leh hardware chi tuomtuom zong amusah zel ta ahi.

Gingtu hagau hinkhuo zong tuabang zel khu ahi. Khum hagau khu apetu Mang Jesu ahia, akilang lou, sunglam apat a nasem hing pusuo in apolam ah hing kilang khie hi. Silbawltheina nei a thuom ahizieh in midangte azouzel a, hing khanglien in hing ki khangsang tou zel ahi.

Tambang in cyberculture leh hagau hinkhuo khu sunglam apat hing pusuo khawm veve in, ahina uh tuohtuoh ah masawn zel in polam hinkhuo ah ahing pahkhei veve zel uhi.

5. Khanglaite hinkhuo a Cyberculture Phattuumna:

Tulai in network chi tuomtuom – mobile phone, internet online-chatting, facebook, whatsapp, webcam, etc. te khun khanglaite hinkhuo ah mun aluo thuh mama mai a, aphattuumna chini en va ui.

- 5.1. Midangte hinkhuo Dopkang nadi'n:** Cybernet akhun facebook leh whatsapp te khun hagau hinkhuo ading in phattuumna nasatah aneithehi. Tam social network ni te khu mi tampite'n hagau

hinkhuo chawmna ding leh midangte dopkang nading in akizang thei a, tualeh akizang touzel ahi. Mi tuomtuom in group chi tuomtuom te tungtawn in, Pasian thu lam ki share tuo nate, lungsim lam a hamsatna (depression/mental disorder) neite panpina ding in Councelling Centre poimawtah in zang uhi. Internet tungtawn a khanglaite'n Pasian naseptheina mun poimaw tah zong suoh hi. Pasian thu khu mihingte hinkhuo sunpaillet theitu, gintatna khellam a hing puitung theitu leh khovel in apiehthei lou hamuonna petheitu zong ahithehi ahi. Tuabangma in mi'n azah siem lou a, ahilou lam a azah leh ama adingin buoina lientah, shina hiel tun thei zong ahi.

5.2. Khantan Hoi phuonzah nadi'n aphatuom hi:

Cybertechnology khu mihing hinkhuo lamdangsah thei khop in sil abawlthei hi. Mihing in lampi dih ichi leh lampi dihlou ichi, khatpenpen a saupi hing puitung thei hi. Tam cyberculture khu misiemte khun khovel huop

a kithuzahtuona (World Wide Web) chi in minvuo uhi. Tuabang a khovel huop a kithuzahtuo theina ahizieh in mun tuomtuom ah khanglaite'n Khantan Hoi phuonzahna dingin manpha tah in zang uhi. Online (facebook chatting, webcam etc.) tuntawn a kithuzahtuona apat in Khantan Hoi phuonzah thei ahi a, azangtu koi hinanleh Jesu Khrist kunga midangte puilut na dinga tam cybernetwork azah thei leh asil manpha mama ahi hi.

6. Cyberculture, Khanglaite Hagau Hinkhuo Kiemsah: Cybernet khu silhoi lam a zahthei ahilai in khanglaite hagau hinkhuo kiemsah zong ahithehi hi.

6.1. Awhsahthu Khelna leh Poimawlou a Sum senna: Online shopping zieh in midang in avan leite uh, asil neite uh neitei sawm zieh in nasep nei leh neilou te'n zong vanlei na'n sum kizang thang zel ta hi. Midangin avan neite uh nei utna thaang ah ahing awhsah a, poimaw lou ah sum

leh pai tampi seng in, ineisa silte a lungkimlouna hing tun a, awhna khelna, I hagau ua dinga poimaw lou silte ahing dusah hi. Tualeh, eima lim leh mela lungkimlouna, midangte melpua utna hing tun kia hi. Tam khu "Teen-Agers" te lah ah a uong mama hi. Tuazieh in khanglai khenkhatte'n amau lim dihtah zang utlou in midang hoi asah mama te uh lim leh mel zang zel in tuate khun ahinkhuo uah kikoingiemna/kingaisietna natna 'depression' atun thei hi. Tantawh a lungkimlouna leh du amna thaang a awhna te khun ihagau hinkhuo tanpha basamsah thei hi. Tuazieh in tambang silhoiloute khu pumpel ngai hi.

6.2. Hun zahdihlouna: Tulai in khanglai tampi te khu damdoi zahkhielnate, HIV/AIDS natna te leh gutatna etc. ten asuhbuoi vawtlou, hinanleh buoisahthu lientah khat nei uhi. Tahsa damtheina zong buoisah, hagau hinkhuo basamsahthu leh nguisahthu khu hun zahdihlouna khu ahi. Atom lam a gen in 'Zan

tousawt leh Zing Lup' chilei adih pen ding hi. Khenkhat te khu nasep-silbawl zieh leh poimaw sil a tousawt zong umthei hi. Tuabangzel in khanglai tamtah, adieh in khopi lam a umte/teenge hinkhuo susetu khu cyberculture ahi. Khenkhat khu facebook online, chatting/mobile SMS zangin zan sawtpipi kihou ua, khenkhat T.V. en, Computer Games kimawl in zan tousawt zong um hi.

Tambang tawndan khun khanglai khenkhatte lunggel-ngaituona ah changkanna sil bangin lunggel neisah hi. Tam ngaidan khun khanglai tampite hinkhuo ah hun zahdihlouna/mihing hinkhuo dihtah zahna khellam a hinkhuo zahdihlouna tun hi. Hagau lam hinkhuo zong buoisah a, Pasian toh hunzang a Bible sim leh thumna nei sangin computer mai a tou a mobile handset tham ut tampi umlaw ta hi. Tambang computer leh mobile handset te khu Bible sang

a l et/isim tam u'leh ihagau hinkhuo khu khangthei lou ding hi. Tuaziehin khanglaite'n kingaituo tha a, malam naw a ipei ua, kal isuon tha uh poimaw mama ta ahi.

7. **Thukhumsin:** Nguntah a ngaituo in khanglai tamtah te khun hagau lam kisuhhatna lam sang in, tahsa hinkhuo khantouna, khotang leh hattuum ah moral basapna'n cyberculture zang leng zaw uhi. Tuabang ahilai in Jesu Khrist a dinga ginumtah leh zahdan siemtah a zang zong um hi. Abang hitaleh ihagau hinkhuo basamsah leh dalthei chinteng apat khanglaite kikepsiengthou ding poimaw hi. Cyberculture khu power nei a thuom ahizieh in ihagau hinkhuo asuse theiin, ahing nehsiet in akilang hi. Tuaziehin khanglaite dingin halkhiet ahun gawp ta ahi. l awhna/isaltanna uapat pawtkhie in amanpha theipen a zang in masawnpi va ui.

Mangpa'n hing guolzawl hen.

UPA DONG BOU VAI

(Let us Consult Elders)

Heb. 13:17

- Upa Khupsuankham

Jahsalam hin hagam lam thu hitaleh akum chinnaa chi'n "Jubilee" vaiguon imang taleng ua, Jubilee in bang ang phawhkheshah ei chi thu tomnou khat houlimvai:

Amasa in apeisa hun bangja sunga isepkhiettennawnlou in louma tut bang a guolzawl na zousie sinkiana ding thu leh ilung zawngkhal nate zong lungkiehna a ngaisutlou in iki siemphatna ahizaw hi. Uangdeu in gen talei, hun peisa hun sung a matut guolzawl na phot pouma khu Pasion kunga lungdamthu tutna ahi hi. A peisa hunte khu mawh pawng nuosie mailou in etkiajel kisam hi. Arnod jonyee in **"Mailam inawt nopleh nualam lam zong etphat kisam hi"** anachi hi. Tuachi mabang in suongtum zong gamlapia isegamat nopleh inuolam a suongpi khut toh inualap ngai hi. Tuamabang in, mailam inawtnop tahtah uleh apeisa kum bangja ahei sung a i lamkai masate (Teehsete) tanchin iphawh ua, ikup uh phamaw hi. Bangjeh in e ichileh tua hing kipanpan hilou in kum bangza ahiei hun sung a ang nalamkaipi khat um china ahia, tua khu lamkai masate ahi. Tuajiehin, Zou Simpatbu in, **"Upa dong bou vai"** ana chi hi.

Sente thupil khat in, "Guntui luonglai

nadawn leh anah (ang kipatna) lam ngaisut in" chi hi. Ajiehpén, Guntui nadawnna mun a hing pieng hilou in, anaahlam pata hing luingkha ahi, chi thei in.

Zou Thupil in zong, "Tuikang ngah masa zong kizatat" achi uh bang in, "Khawlmun tung masa zong kizatat" chi thupil um hi. Tualeh Aah igaw chieng un alutang, akaang leh asinte khu Upate/inute ahisihleh isang a upazawte maitang ah kine ngamlou in isang a upazawte kinesah chin ipu-ipaten ana gen uhi.

Tulai in, naupangen kanaupang hi chitalou in inu-ipate maitang ah alu, akang leh asinte akhai valieng uhi. Unau Meitei teehseten, "Ahang matthina chapu mellii" ana chi uh bang in TEEHSETE THUGOUSIE-MA MANPHAPEN HI anachi uh khu, tulai khangthate ading a pilna leh guolzawl tanna ahi hi.

Ipu-ipate hunlai in, annkuong immkhawm lai in innsung a Papen in nasep ding dante aphuong khejel

leng a, azii leh tate apasal leh apa gen bangbang in agamtang jelleng ua nna asem ua, nitah chieng in a inn uah akimu khawmjel uhi. Tulai ann neh banglou in kuong lienpi khat ah kilui a, annkuong sawhkhawm vadiel in ane uhi. Tulai in tuabang a kinelou in kuongneu Pakan (plate) neu in khatkhat in ineehtah chiengin lungsim kipumkhat theilou in atangleen, nute-pate thu zong manding bangtah in akimang theitasih hi, kingaisut vai.

I Lai siengthou in bang agen ei? ichileh noute “Pasian thu hinghil chillai a ang nalamkaipite uh ngaisut in phawh tawntung in, amaute hinkhuo leh ashina ziehte uh ngaisut inlen amaute sep leh ginna bang a naneitheina ding un hanchiem un” chi hi.

Tulai khanglai khenkhatten piltang-siemtang, katha hatta, bawlthei nang, simthei nang, chi’n ana lamkai masate dohdan ding zong theilou in amau siemna leh pilna toh mailamnawsawm ua, anawthei uhi. Ahivang in lawchinna thupitah ngathei tuomlou uhi, bangjiej e, ichileh “UPATE DONG BOU VAI” chi ki tahsapjiej uh ahi. Unau Meitei ham zangten “UPA DONG BOU VAI” chi Zou Thupil anajuina uh gentalei; asang a upazawte khu azatat ua, neh-le-dawn ah zong asang ua upazawte zatat in ane ua,

adawn uhi. Tua thamlou in Bus/Kari sung a atou chieng un zong asang ua upazawte touna a awn uhi. Tuajieh in ei Khristiante sang a kizatat leh kithumanna aneizaw uhi, chilei ichi khiel sih ding uhi.

(Late) Rev. Liangkhai, Mizo ham a Lai siengthou nalet masate lah a khat ahia, ashiding kuon tanphah in ama sang a siemzaw leh pilzawte B.D., M.Th., Doctroten laibu abawl chieng un lamkai masa ahina toh, “Pastorpu! tambang in laibu kabawl a, pha nangsahpi ei?” chin a dongjel ua, aman, “Ahoi hi” ana chipijel jie in laibu bawlte akipah a, tuami khu ama dongte ding a guolzawl na ichi uh ahia, tua khu **I Zou Thupil “UPA DONG BOU VAI”**, chi anazui thei ua, ama leh agam miten ahamphatlaw uhi.

Tuajieh in neh-le-dawn hi’n sep-le-bawl hi’n, siemna-pilna lam hitaleh isang a Upazawte nadong ngailou ihi ulezong kipan in dangdang in ikichiel uhi. I Pu uh Thangkhanlala (U.Z.O./President leh Ex. Minister) in adamlai in Singpi hi’n, neh-le-tah bangkim ah **“Ka sang a Upazawte khelaisa kaneeh in, kadawn ngaisih”** ana chi thu ngaisut kawm in, **Zou Thupil - UPA DONG BOU VAI**, chi khu juiham sawm talei, chi’n iki chiel sawnsawn uhi. Simtute zousie Mangpa’n hing guolzawl taken.

LAWCHINNA LAMPI

(Nehemia hinkhuo apat)

-Pastor N. Tuanglang

EBCC Dwarka Delhi.

NEHEMIA tangthu a thei lou umdin i gingta sih. Kumpi innpi a kumipa dawn ding Petu a apan dan Jerusalem kul bang chip leh mei in a kah siet gawp thu a zah a poi leh na a sah dan Pasian mai a akah leh a thum dan Pasian in kalkhat zou in kaldang a banban a asuon sah dan leh ni 52 lel a kul bang chim leh kangsie a tunding a bawl phat kia dante tuni a tangthu lamsang ma in bangzieha Nehemia hichi lamzan a kumipa deisahna mipite thuzawh theina, ahisih leh mipite support nga leh hangsanna nei e? chite saulou saulou in kikum khawm lei ka chi hi. Aziehpén tam lampi ma tulai gingtute a dia zong poimaw lailai ahiman in

1. Nehemia thum hi: Nehemia in Jerusalem kulbang chim leh mei a kabsiet thu a zah in atha zoisah in tou, nasa sengseng in kap, nibangza a hei van Pasian mai ah ann ngawla thum in um hi. Unaute tulai igamsietna leh hagau lam zawna thupi tahte a entu leh athuohtu himailou Nehemia banga vei leh nasa a Van Pasian lam thumna toh enthei Pasian zangaina Mangtouphe mai nai leh suithei mi poimaw mama hi.

2. Nehemia in mi ngohlou hi: Nehemia a tambang in thum u.... Kei leh kapa inkote ka khielta uhi. (Neh. 1:6(b) Nehemia in Salam leh Hagau lam a Jerusalem a sietna leh a zumhuoina thupitah umpén ama

leh apa inkote khelna banga pawna in khum in suunna, Anngawlina leh Van Pasian thumna buonna gazuo hi. Dr. PumzaTawmbing US a aumlai a thuteng agen kazah khah hing lasawn leng President Bill Clinton leh Monika Lewinskyte kal thu aum lai a houtupa val kaina Hattuum ten thumna aneina uah Hattuum Upa khat thugen I President un hi chi lawmlawm a zumhuoina ang tuoh ken ka thumpi ding bangtah a kana thumpi khahlou zieh ahi chiin Hattuumte mai ah mittui kai niau nuou a ang ding doh pen ka manghil theisih hi. Tulai igam inam hagau lam halthana salam a nawngkaina thupitaha umte mind/pawlpi koite e ingawh leh mohsahnate tuh zaw du in van Pasian mai ah

Nehemia bangin Mangpa kei leh ka innkuonpite ka moh uh. Ka tung uah zangai in, hing damsahin, hing zangin chin Pasian nai lei ut huoi hina maizen e. Nehemia kipiehna kipahpi a manpha taha zang pan nang leh kei zong hing zang ut hive aw.

3. Nehemia in Pasian deisahna tang hi: Nehemia in kumkipa deisahna atantheina thuguh Pasian deisahna leh ang vanna atan zieh ahi. Pasina in athumna kipahpi in a dawnga tuachin kumpipa deisahna (Aphulou deisahna Security tanphah pieh in um lai, Kumipa dawnding pepa lel zaw hiven maw).Gammang kemptu deisahna tang zomah in kulbang bawl na adia singbuoi a buoi ngai lou! Mipite deisahna support tang in “thou in lam vai” chi thu khat gen a tulai haam leh consensus a mipi dei dan a chi thei ding uh hia maw?

Pasian deisahna min a tan nah nah leh koiman daal theilou hi. Unaute aw Nehemia hichi lawmlawm a lamzang, hangsan leh lawching a hing umtheina pen bangdang hilou in ABUL APAT DIH ZEIH AHI. I nam igam leh sil peidan tuomtuomte vei a bawldih uttahtah ihi leh Nehemia lawchinna thuguh ma khu tuhun a zong ilawchin na ma hiin muthei ahi. Unau na kipantha ut ei? David chimoh beidong in Mangpa del leng kapah na diei? Achi lai in Mangpan del in na pha ngei ngei ding achi hi. Peter in Mangpa’n zan khovaha lensep hi unga na thu in kava septha himhim awle achi. David in deipha Peter in tampi man, nang bang nachi sawm ele? Mangpa’n kipantha ngam dingin athu hing guolzawl sah taken.

Khristian Thu kizakna June Issue apat lah sawn.

ZPWF REPORT

25th July to 22nd August Tan a Tunnu Limbel Panpina pete

1. Nh. Niandeinuam, Tongdam	Rs.	500
2. Nu Chiinsianching, Tongdam	Rs.	500
3. Niangdeikim, Manniang veng	Rs.	100
4. Nu Dimneiching, Central Church	Rs. 500+500=	1,000
5. T. Kammang, Central Church	Rs.	1,000
6. Nh. Lamneiching, Tongdam	Rs.	50
7. Upanu Chingngaiman, Mualtam	Rs.	100
8. Nu Mankim, Mualtam	Rs.	100

Khristian Tangkou | September | 2016

9. Pa T. Ginminlun, Thingkangphai	Rs.	1,000
10. Pa Goukhanthang, Manniang veng	Rs.	500
11. Chinsuanlian, Central Church	Rs.	200
12. Tv. Khamlunthang, Central Church	Rs.	500
13. Nu Dimkhanvung, Lailamveng	Rs.	200
14. Tv. Khupmuanlal, Nungshai	Rs.	500
15. Tv. Joseph Doulunlal, Lailamveng	Rs.	100
16. PWF, Belpuon Anntang tang	Rs.	430
17. Nu Vahkholhing, Tuibuang	Rs.	200
18. Nu Hielzaniang, Zomi Colony	Rs.	200
19. PWF S. Muvanlai khuo Anntang tang	Rs.	1,500
20. Upanu Hatkhanvung, Central Church	Rs.	500
21. Tv. Muanlian, Zomi Colony	Rs.	4,000
22. Nu Niangkhanvung, Thingkangphai	Rs.	500
23. Tv. Kamlallian, Manniang veng	Rs.	1,000
24. Mrs. Flora Hatnu UK	Rs.	47,000
25. PC USA	Rs.	50,000
26. PWF Lunjang Anntang	Kg.	50
27. PWF Chingmang khuo Anntang	Kg.	17
28. PWF Zomi Colony Anntang	Kg. 83 & Rs. 400	
29. Pa Lunthang s/o Upa M. Kaichinkham Chief of Lunjang	Sakhi Malkhat	
30. Nu Lamneikim, Behiangjang apat mai pum 4, maite leh begap		

ZPWF TOUR (TOWN AREA), 2016

1. Presbyterian Church, Thingkangphai (10th April, 2016)

Tunnu Limbel Ginna Thuchiem

Tu-le-tu a pete

1. Nu Lhingneilam	Rs.	30
2. Khamching	Rs.	50
3. Dimhoi	Rs.	100
4. Nemhoiching	Rs.	100
5. Upa Mangpu	Rs.	100
6. T. Ginsuankhup	Rs.	100
7. Chiinkhannuam	Rs.	100
8. Lamching	Rs.	20
9. Nu Nianghau	Rs.	100
10. Nh. Niangsuannuam (B)	Rs.	100
11. Niangmuanching	Rs.	50

2016 | September | Khristian Tangkou

12. Ngangai	Rs.	20
13. Hoilalnei	Rs.	100
14. Nianga	Rs.	100
15. Tv. Thangsianmang	Rs.	50
16. Manlunchiin	Rs.	50

Presbyterian Church, Tongdam (10th April, 2016)

2. Tunnu Limbel Ginna Thuchiem

Tu-le-tu a pete

1. Nu Mangniang	Rs.	100
2. Hatnu	Rs.	50
3. M. Kapmuansang	Rs.	20
4. Khamlalding	Rs.	20
5. Dimngainiang	Rs.	50
6. Nu Manzachiin	Rs.	50
7. Upa Khaichinmang	Rs.	500
8. Gouzakap	Rs.	100
9. T. G.K lam	Rs.	100
10. Dimngaivung	Rs.	40
11. Ruth Niangneihat	Rs.	10
12. Nianglamching	Rs.	100
13. Nu Donniang	Rs.	100
14. Chiinnienching	Rs.	20
15. Donkhanching	Rs.	50
16. Chinghouunam	Rs.	50
17. Hoikim	Rs.	20
18. Dimneihau	Rs.	20
19. Vanlaldunga	Rs.	20
20. Nu Nelching	Rs.	200
21. Nu Chingkhovung	Rs.	50
22. P. Lianhaulal	Rs.	50
23. P. Khamzalal	Rs.	100
24. Nu Chingngaihnuam	Rs.	50
25. Lamginthang	Rs.	100
26. Lalneikim	Rs.	50
27. Paulianthang	Rs.	10
28. Vungnunhoi	Rs.	50

Petu zousie Mangpa'n hing mapui zing taken !

Adih louite Office a suhdih theizing ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V. Vungzalan	20. Rev. Retd. Kamkhosoi
21. Rev. Tualzachin	22. Rev. (Rtd.) H. Nengzatun	23. Rev. Awmkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonlian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanthang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Gozanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhanueng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholing
93. Pu Hauliankap	94. Pi Chinnu	95. Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taihul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhanhsuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhou	116. Upa Pauchinlel
117. Kimneihoi	118. Pu Kamgenpau	119. Nh. Niangsuannuam	120. Nu Ngaikhanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	

Undelivered

Please return to:

The Editor

KHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail:zpcs@rediffmail.com/zousynod05@gmail.com

To,
